



VIHKELES BĪEVNESH SVEERJEN ĀRROEJIDIE



# JIS **KRIJSE** JALLH **DĀAROE** BĀATA



# Sisvege

## Krijsem vuertedh

Dov krijsevuertiemisnie .....	5
Faelskies biëvnesh .....	6
Jis terroreattentaate .....	7
Raerie guktie gâetesne ryöjredidh .....	10

## Elliesvaarjelimmie

Sveerjen vaarjelimmie .....	8
Aajhtoe Sveerjese .....	12
Jollebe vuertiemisnie .....	13

## Vaaroehimmie- systeeme

Vihkeles biëvnesh siebriedahkese .....	14
Larme vuertemen bijre .....	16
Vaarjelimmiesavka .....	17

Dam brosjyrem maahta jeatjah gieline veedtjedh sæjroste dinsakerhet.se.

Gyhtjelassh jih vaestiedimmieh brosjyren bijre gaavnh sæjrosne dinsakerhet.se.



Myndigheten för  
sambhällsskydd  
och beredskap



Grafihken hammoe jih produktiojvne:  
Kreab AB  
Illustrasjojnvh: Arvid Steen  
Diedteme: Stibo Graphic A/S  
Publ.nr: MSB1208 - maj 2018  
ISBN: 978-91-7383-830-6

MSB akte staaten aajvaladtijste jih barka guktie siebriedahke edtja ovlæhkoe jih krijsse buerebe gietedidh jih barkedh guktie eah edtjeh heannadidh. Jis itjmies ovlæhkoe jallh krijsse dle mijjeh däärjoem vadta dejtje gieh diedtem utnieh.

Myndigheten för samhällsskydd och beredskap  
651 81 Karlstad  
www.msb.se



## Sveerjen årroejidie

Reerenasse lea stilleme daate brosjyre edtja gaajhkide gâetieguntide Sveerjesne seedtesovvedh. Aajvaladtje siebriedahken vaarjelämman jih vuertiemisnie, MSB, (Myndigheten för samhällsskydd och beredskap) diedtem åtna dan sisvegasse. Brosjyre edtja mijjem viehkiehtidh buerebe ryöjredidh vuesiehtimmien itjmies ovlæhkojde, feerlege veardasse, it-aajhtojde jih militæere vigkide.

Gellie almetjh aerkies jih domtoeh veartanisnie ij dan jearsoes leah. Sveerjesne stuerebe jearsoesvoete gellie jeatja laantijste mohte aajhtoe gâavnese mijjen jearsoesvoetese jih jijtjeraarehkenvuakan aaj. Raeffie, frijjevoete jih demokratije lea vierhtieh mejtje tjoerebe fierhten biejjien vaarjelidh jih nænnoestidh.

Aajvaladtjh, laantedigkieh jih regiojvnh, tjielth, sielth jih organisasjojnvh diedtem utnieh siebriedahke edtja juhtedh. Mohte mijjen laanten vaarjelimmie jih jearsoesvoete lea diedte mij lea gaajhkide gieh daesnie årroeminie. Akte mijjen vihkielommes viehkie jis mij akth mijjem aejtteminie dihte ahte mijjeh sijhtebe sinsitniem viehkiehtidh.

Jis datne eensie ryöjredamme dle datne meatan leah viehkiehtidh abpe laante maahta geerve tsiehkiem buektiehtidh.

**VÖÖRHKH DAM BROSYREM!**

## Maam datne edtjih darjodh jis dov aarkebiejjie jeatjadehti?

Krijsesne dellie siebriedahke kaanne ij juhtieh guktie prāv-hka siejhmelaakan darjodh. Klijma mij jeatjadehtieminie maahta vedtedh dulvie jīh dālle mij eatnemem buala. Hean-nadimmieh veartanisnie maehtieh vedtedh sāemies beap-moeh nāhkieh. Sturreme vihkeles it-systeemi sisnie maahta el-faamoem tsevtsehd. Ij guhkies tije daerpies eannan aarke-biejjie geerve sjæda:

- Ij vielie gāaredh gāetesne bæktahtalledh.
- Geerve sjæda beapmoem jurjiehtidh jīh vōörkchedh.
- Beapmoeh jīh jeatjah tjāenieh maehtieh bovresne nāhkchedh.
- Ij vielie tjaetsie tjaetsieluejhtijen tjirrh jallh toaledtesne.
- Ij gāaredh bijlem bensijnine/dieselinie/faamojne dievhtedh.
- Maeksemekāarhth jīh bankomaath eah juhtieh.
- Mobijlh jīh internehte eah juhtieh.
- Kollektivetrafiheke jīh jeatjah vuelkemh tjōōdtjestieh.
- Geerve sjæda daalhkesch jīh medisijneles deerpegh jaksehd.

Ussjedh dan bijre guktie datne jīh almetjh dov lihke edtjih tsiehkiem buektiehtidh jis siebriedahken siejhme hokse jīh dienesjh eah vielie juhtieh goh pruvhkieh.



## Dov krijsevuertiemisnie

Dov tjielte diedtem ātna ihke mij mesnie voereshokse, aajtoehōōptijh jīh skuvle edtjeh juhtedh aaj jis siebriedahke krijsesne. Datne aaj diedtem aajnealmetjinie ātna. Jis datne staeries ryōjredamme dle maahtah geerve tsiehkiem buerebe buektiehtidh sahth mestie dīhte bāata.

Jis siebriedahkekrijse dle viehkie voestemiesnesne vadtasāvva dejtie gie dam bōōremes daarpesjeh. Jeenjemesch almetjh tjuerieh mahtedh jītsh bearkanidh naaken tije nesne jīh tjuerieh disse ryōjredidh. Jis eensilaakan ryōjredamme dagkeres tseahkan dellie aaj buerebe nuepieh datne maahtah jeatjah almetjh aaj viehkiehtidh gieh eah seamma nuepieh utnieh.

Tjaetsiem jīh beapmoem utnedh jīh mahtedh biktiehtidh vihkielommes leah jīh aaj mahtedh bievnesh āadtjodh āajvaladtijiste jīh medijste. Datne tjoerh aaj mahtedh fuelhkiem gaskesadtedh. Bieline 10 jīh 11 læstoeh gaavnch dagkarinie mah leah buerie gāetesne utnedh.

Ussjedh mij maahta vaahreles sjīdtedh dov lihkesdajvesne. Datne dajvesne āroeminie mij maahta dālvodh? Feerlege industrije jallh mij akth jeatjah man bijre maahta buerie āroddh ussjedidh?





# Geehth biëvnesh eah faelskies leah

Joe daan biejjien staath jìh organisasjovnh biëvnesh nuhtjeh juktie mijjen ässjalommesh tsevtse dh jìh maam mijjeh darjoe. Ulmie maahta årrodh mijjen sæjhtoem vualanidh sijhtedh vuestie gæmhpodh jìh mijjem vaarjelidh.

Bööremes vaarjelimmie faelskies biëvnesi jìh vesties propagandan vuestie lea gaaltjidie goerehtidh:

- Biëvnese aamhtesistie jallh ässjalommesh?
- Mij leah biëvnesen ulmie?
- Gie dam sedteme?
- Gaaltije eensì jìh jearsoes domtoe?
- Seamma biëvnesh gæerede jeatjah sijjesne aaj gaavnedh?
- Biëvnesh mah orre jallh bæeries jìh man gaavhtan dælie vääjnoe?

- Ohtsedh biëvnesh – buerie vuekie propagandan vuestie barkedh lea jìjnìh maahtoem utnedh.
- Aellieh såaltjide jaehkieh – nuhtjeh jearsoes gaaltijh juktie goerehtidh jis biëvnesh staeries lea.
- Aellieh såaltjeh seejeh – jis biëvnesh eah jearsoes vääjnoeh, aellieh dam jeatjah almetjidie seedth.

# Jis terroreattentaate


Terroreattentaate maahta dovne aajnealmetjidie jallh dæhkide, aalmegasse jallh siebriedahken vihkeles funksjovnde heannadidh v.g el-faamose jallh vuelkemesystemese. Terroreattentaate maahta ovnessie vuekieh jìh ovnessie sijjine heannadidh mohte naaken raerieh gäävnesh mah maahta buerie gellie tsiehkine årrodh:

- Feerh jearsoes sæjjan jìh aellieh vaedtsieh dohkoe gusnie jìjnìh almetjeh.
- Pollisem bæjhkohth 112:n tjirrh jìh beavnah jis datne maam akth vihkeles vuajnah.
- Vaarohth dejtie gieh vaahran sisnie jìh viehkehth dejtie gieh dam daarpesjeh.
- Biejh mobijlem guktie sjeavohth lea jìh aellieh giese´ akth ringkie gie maahta vaahreles dajvesne årrodh. Mobijle mij skaarra maahta nåake årrodh almetjasse gie tjiekede.
- Aellieh mobijline ringkh jis ij daerpies lea. Jis tellefovneviermie dïeves sjædta dle geerve sjædta ringkedh, mij akth mij maahta ålvas vaahreles årrodh.
- Dåeredh dam maam pollise, aajtoehöoptijh jìh åajvaladtjeh raeriestieh.
- Aellieh biëvnesh juekedh gaskeviermesne jallh jeatjah vuekine jis ij leah tjirkeme.





# Sveerjen vaarjelimmie



Sveerjen ellies vaarjelimmie edtja mijjen laantem, frij-jevoetem jih reaktam jieledh guktie sijhtebe vaarjelidh. Gaajhkh mijjeh laavenjassem utnebe jis aajhtoe Sveerjen vuestie

## Elliesvaarjelimmie

Elliesvaarjelimmie leah gaajhkh darjomh mah daerpies jis Sveerje edtja maehdedh daarose ryöjredidh. Elliesvaarjelimmie lea militæere vaarjelimmie jih sivile vaarjelimmie.

## Militæere vaarjelimmie

Militæere vaarjelimmie lea Försvarmakten jih Hemvärnet jih lissine naaken jeatjah áajvaladtjh mah áejvielaavenjassem utnieh dam militæere vaarjelimmie daarjedidh. Försvarmakten mijjen territorijem jih mijjen kriensh vaarjele.

## Sivile vaarjelimmie

Sivile vaarjelimmie lea abpe siebriedahken faamoen bijre jis daaroenvaahra jih daaroe. Sivile vaarjelimmie dihte barkoe lea maam staaten áajvaladtjh, tjielth, laantedigkieh jih regijovnh, privaate sielth jih frijieviehkjeorganisovnh darjoeh. Barkoen ulmie lea dam sivile áálmegem vaarjelidh guktie vuesiehtimmien skiemtjehokse jih vuelkemh juhtieh jalhth daaroenvaahra jih daaroe. Jis daaroenvaahra jih daaroe dihte sivile vaarjelimmieh edtja aaj maehdedh Försvarmakten viehkiehtidh.

## Elliesvaarjelimmediede

Sveerjesne elliesvaarjelimmediede. Dihte sæjhta jiehtedh gaajhkh gieh daesnie áarroeminie jih leah 16-70 jaepien báeries maehdieh gáhtjomem áadtjodh báetedh viehkiehtidh jis daaroenvaahra jallh daaroe. Gaajhkh diedtem utnieh viehkiehtidh jih gaajhkh daerpies leah.


Golme sáarhtes elliesvaarjelimmediede gáávnesh:

- **Värnplikt** Försvarmakten nuelesne.
- **Sivildiede** darjomi sisnie mej bijre reerenasse nænnoste.
- **Siejhme dienesjediede** mij sæjhta jiehtedh darjoeminie barka mah tjuerieh juhtedh jalhth daaroenvaahra jih daaroe. Dellie datne dov siejhme barkosne, frijiesviehkieorganisovnesne barkh jallh laavenjassem Arbetsförmedling:ste áadtjoeh barkoem darjodh mij lea sjiere vihkeles elliesvaarjelæmman.

Dah gieh diedtem utnieh elliesvaarjelimmien daarjodh maahth daaroesoekjesjem áadtjodh. Jis datne daaroesoekjesjem áadtjeme dellie datne daaroesoekjesjestillemem jallh jeatja stillemem áadtjeme dov barkoevedtjste.

Gellie jaepieh Sveerje ij dan jijnh ryöjredimmieh daaroenvaahrese jih daarose. Sijjeste áajvaladtjh jih tjielth leah barkeme juktie vaarjelimmie nænnoestidh mij leah jeatja krijside v.g dulvieh jih it-attack. Mohte reerenasse vuajna veartene lea jeatjadehteme jih lea dan gaavhtan nænnoestamme elliesvaarjelimmie nænnoestidh. Dannasinie edtja viht Sveerjen sivile vaarjelimmie soekjesjidh. Guhkies tíje eannan lea gaajhkh biehkieh vihth evtiedamme. Seamma badth vuertiemisnie jeatjah krijside aaj vihkeles mijjen faamose daaroem daastodh.

Dáeredh evtiedimmie sæjrosne  
[dinsakerhet.se](https://dinsakerhet.se)



# Raerie guktie mahtah gâetesne krijsese ryöjredidh

Nuepieh jih daerpiesvoeth maehtieh jeatjahlaakan ärrödh, vuesiehtimmien jis datne voenesne jallh staaresne, gâetesne jallh leejjemegâetesne ärröeminie. Daesnie siejhme raerieh guktie gâetesne ryöjredidh. Nuhtjh dejtie mejtie sjehteles dutnjan jih dov fualhkan. Maahta buerie ärrödh säemies aatide ektesne utnedh jallh sinsitneste löönedh.

## Beapmoeh

Vihkeles lea beapmoeh gâetesne utnedh mah buerie energije vedtieh. Nuhtjh beapmoem maam maahtah sneehpes jurjiehtidh, ij dan jijnjh tjaetsieh kriëbpsjeh jallh maam maahta byöpmedh jalhts ij dam jurjiehtamme.

- peara, kåale, viskesroehtse, munnieh
- laeipie vg tortilla, garrelaeipie, keks, skorpah
- myvhkesvuasta, gâmpoe jih jeatja laeipienille tuben sisnie
- haegriegjovkemesh, sojajovkemesh jih gejhkiemielhkie
- åålja beapmose, vuasta
- pasta mejtie sneehpes vuassja, rise, gernie, gejhkiepeara
- doeltemelinsah, bönah, kruane-saath, hummuse borhtjesne
- njeervemetomaath man sisnie vuesehtimmien pastam doeltedh
- konseervh njeervemebearkojne, makrille, sardinh, ravioli, loesegaamsoe, voessjeme bearcoe, joptsh
- sjööveme muerjie, marmelaadh
- voessjeme sirrie- jih nyponjoptse, juice jallh jeatja jovhkemes mah eah daarpsjeh jueskiedahkesne tjäadtjodh
- prihtjege, löövje, sjokolaade, energibars, håånege, mandelh, nötterh, nötvoeje, gernieh.

## Tjaetsie

eevre daerpies lea. Unnemes 3 lijhterh fierhten geerve almetjidie fierhten dygnesne. Jis ih daejrieh jis tjaetsie buerie dle tjoerh maehdedh dam voessjedh.

Jis toaledte ij juhtieh maahta plastepåassah dan sijse biejedh. Maehtedh gietide bisseth vihkeles juktie ij skiemtjelassh äadtjodh..

- boehtelh
- loehkebæhtoeh
- PET-boehtelh mej sisnie maahta tjaetsiem gilmehtidh (aellieh tjaetsiem ellies boehtelasse dievhtieh, dle muerhkieh)
- mineraaletjaetsie
- dunk, mejgumjie tjaetsiem veedtjedh. Maahta aaj dunk utnedh mej sisnie tjaetsiem reservine åtnah. Dejtie edtjh jamhkeles jih jueskies sijjesne vöörhkedh.

Lohkh vielie guktie gâetesne ryöjredidh sæjrosne [dinsäkerhet.se](https://dinsäkerhet.se)

## Baahke

Jis elfaamoe ij vielie juhtieh jueskies jaepieboelhkesne dle maahta varki jueskies gâetesne sjïdtedh. Tjäanghkenieh aktene tjehtjelisnie, klaaside jih guelpiem gaptjedieh jih ohtje gâatetjem bigkieh buertien nuelesne. Geehth jis vaahra mij akth bäältajehtedh. Jamhkelh gaajhkh tjoevkh jallh baahkeaath eannan åarajieh. Vaaksjodh ij vaenie oksynene elmesne sjïdtieh ihke orre elmie sijse luejhtedh dillie daelie.

- ålloevaarjoeh
- bijveles jih eensie gaarvoeh
- tjoeph, vaanhtsh, lijnieh
- bijveles gaptjese
- mij akth man nelnie bijveles vealasjidh
- åeremevoessh
- stearijnetjoevkh
- baahketjoevkh
- fæjroeh, såarah
- alternatijve baahke, v.g gasolevuebnie, fotogene-elemeenth.

## Jeatjah

- sprit-tjövketje jih dejnie mejnie dam bueledh
- låmmelampa, åejjelampa
- batterijh

## Kommunikasjovne

Jis itjmies heannadimmie dle daerpies datne maahtah vihkeles bievnesh åajvaladtjijste åadtjodh, siejhmemes Sveriges Radio P4:n tjïrrh. Daerpies aaj maehtedh meediaj bæjhkoehimmieh dæriedidh, fuelhkiem jih voelph gaskesadtedh jih maehtedh viehkiedienesjem, skiemtjehoksem jallh pollisem bieljelidh jis akute tsiehkke sjædta.

- raadijove mij batterijine, biejjiecelline jallh vevine jåhta
- bijlæraadijove
- paehperelæstoe vihkeles tellefovne-nummerigumjie
- lissiebatterije/powerbank mij mesnie mobijletellefovnesne
- aate mejnie mobijlen batterijem dievhtedh bijlesne..
- beetnegh smaavebe valöörine
- daerpies apoteeketjænieh jih daalhkesch
- loeves njaamelijnieh
- sprit mejnie gietide bisseth
- raajhpesch jih gujnelemmie-gejhkievaarjelimmie
- försäkringeprievieh, bankbievnesh, registreringetjirkeme mejtie leah paehpierasse tjaalasovveme
- bensijne/diesel jallh jeatja energije bijlesne





## Jis Sverje aajhteme sjædta tjuara faamoem utnedh dam vuestie gæmhpodh

Tjoerebe maethedh ovmesse sårhtes dåårejimmie mijjen laantese dåastoehdih. Joe daan biejjien dåårejimmie vihkeles it-systeemide jih tsevtseme faelskies bievneseigujmie:

- Cyberattack mah Leah aajhtoe vihkeles it-systeemide.
- Infrastrukture maahta earjoehamme sjidtedh (v.g geajnoeh, pruvvie, giertiesijjeh, ruevtierajroeh, el-faamoe jih kårnfaamoevierhkh).
- Terroreattaath mah gellie almetjh jallh vihkeles darjomh tsevtseh.
- Maahta pryøvedh Sverjen årroejidie jallh åajvaladtjh tsevtsehd.
- Earjoehamme vuelkemh mij sjædta beapmoeh jallh jeatjah tjænieh maethieh nåhkedh.
- Militære dåårejimmie, v.g giertine, roboth jallh jeatjah dåaroedarjomh.

Jis Sverje aajhteme jeatjah laanteste ibie edtjh gåessie orrijdh gæmhpodh. Gaajhkh dierieh mah dam jiehtieh faelskies Leah.

## Jollebe vuertiemisnie

Juktie Sverjen nuepide vaarlæmman nænnoestidh reerenasse maahta bæjhkoehdih Sverje jollebe vuertiemisnie (højd beredskap). Seamma laakh goh raeffiestijjesne, mohte gosse jollebe vuertiemisnie aaj jeatjah laakh maethieh nuhtjesovvedh. Staate maahta v.g private eekemem nuhtjedh jis lea vihkeles elliesvaarlæmman. Jis jollebe vuertiemisnie dle abpe siebriedahke edtja viehkiehtidh vaarlædih jih geehtedh dihte mij vihkielommes siebriedahkesne annje jåhta. Gosse jollebe vuertiemisnie datne maahtah stilleme sjidtedh ovmesse vœkine viehkiehtidh.

Bievnesh jollebe vuertemen bijre raadijoven jih teven tjirrh åadtjoeh.

Sverjen Raadijove P4 dihte mij gohtje beredskapskanal.



## Vihkeles bievnesh siebriedahkese

7 sekundh tjoeye – 14 sekundh tjoeyen namhtah

7

14

7

14

7

14

## Ij vielie vaahra

30 sekundh guhkies tjoeye

30

# Vaaroehimmiesysteeme

## Vihkeles bievnesh siebriedahkese

Vaaroehimmie- jih bievneshysteeme VMA (Viktigt meddelande till allmänheten) nuhtjesávva jis krijsetsiehkieh – v.g jis feerlege eebnh, dälle jih vaahra eksplosjovnese, skåajje mij buala jallh jeatjah eatnemevaahra.

Vihkeles bievnesh siebriedahkese siejhmemes seedte-sávva Sveerjen Radijoven kanaali tjirrh, Sveerjen Televisjovnen tjirrh jih SVT Text:sne. Säämies dajvine VMA maahta seedtesovvedh SMS-dierine mobijletellefovvide.



## Vaaroehimmie ålkone

Säämies aejkie vaaroehimmie ålkone ("Hesa Fredrik"). Nuepie disse jeenjemes stoorre voenine gäävnese jih aaj Sveerjen kärnkraftvierhkiej bijre jarkan.

Jis dam tjoejem govhl: Vaedtsieh gætien sijse, dahph klaaside, okside jih ventilasjovvide jih goltelh Sveerjen Raadijove (Sveriges Radio P4) mij haestemem åtna siebriedahkem bievnesh.

Voestes måantan (ij hieljebiejjie) njoktjen, ruffien, gaecken, jih goeven asken ts 15.00 systeeme pryövoe mij ålkone vaarohte.





## »» Larme vuertemen bijre

30 sekundh tjoeye – ij naan tjoeye 15 sekundh

30

15

30

15

30

15

## »» Larme giertiej bijre

Gellie ånehks tjoejh 1 minudte

## »» Ij vielie vaahra

Tjoeye mij 30 sekundh guhkies

30



# Larmh vuertemen jñh giertiej bijre

Larme vuertemen bijre lea vuekie mejnie reerenasse maahata bievnedh dallah dääroevaahran bijre jallh ahte laante dääroen sijse bääteme.

Jis dam tjoejem govlh edtja varki gåetien sijse vaedtsedh jñh Sveerjen Raadijoven P4 goltelidh. Ryöjredh guktie maahatah gåeteste varki feeredh dej vihkielommes aatigujmie, bijveles vaarjoegujmie, mij akth byöpmedidh jñh jovkedh jñh id-pae-hperh. Jis stillemem däärose åtnah edtja dallah dan sæjjan vuelkedh man bijre leah bieljelamme.

Larme giertiej bijre sæjhta vaaroetidh datne edtja dallah vaarjelimmiem gaavnedh, v.g vaarjelimmiesavkam jallh tjeallere dan gåetien sisnie gusnie datne leah.

Orre vuekieh guktie siebriedahkem vaaroetidh maehtieh bætedh.

Lohkh dej saarnej bijre sæjrosne  
dinsäkerhet.se

# Vaarjelimmiesavka jñh jeatja sijjieh mejtie leah vaarjelamme

Jis dääroe dellie vaarjelimmiesavka edtja vaarjelimmine almetjidie årrodh. Gaajhkh vaarjelimmiesavka jallh gåetie gusnie dagkerh gååvnesh tsieglem utnieh mij dam vuesehte. Ih tjoerh sjere vaarjelimmiesæjjan vaedtsedh, nuhtjh dam mij dov lihkemes.



Gaavnh gusnie dihte vaarjelimmiesavka mij dov årromesijien lihkemes jñh dan sijjien lihkemes gusnie biejjine leah. Jis larme giertiej bijre edtjh dallah vaarjelimmiesavkese jallh jeatja sæjjan mij maahata vaarjelidh v.g tjeallere, gohpege jallh tunnelbanastasjovne.




# Lierh!

Voestes viehkiem lierh. Dov maahtoe maahta vihkeles ärrodh. Jis datne dihte gie voestes almetjinie sæjjan båata gusnie ovlæhkoe jallh jeatja itjmies heannadimmie edtja 112 ringkedh mij SOS Alarm. Nummere 112 maahtah ringkedh aaj jis ij leah beetnegh jallh sim-käärhte mobijletelefovesne. SOS Alarm raereste maam maahtah ovlæhkoesijjesne darjodh.

# Aelkieh meatan sjidtedh!

Gellie ideele organisasjovne jih trossamfund vihkeles ráajvarimmieh darjoeh mijen iktedimmie vaarjelæmman jih vuertiemasse. Dah frijieviehkiehorganisasjovnh sjiere haestemh utnieh elliesvaarjelimmien nuelesne jih dovne kuvsjh jih ööhpehtimmieh faaledieh. Jis krijsjh jih jollebe vuertiemisnie dle dah mij mesnie viehkiehtieh vihkeles bievnesh almetjidie bieljelidh.

Datne daerpies jih dov darjome viehkine lea!



# Tjaelieh dejtie mejtie vihkeles leah

**Tjaelieh väälese vihkeles telefovnummerh, sijjienommh jih gusnie lihemes vaarjelimmiesavka jallh jeatja sijjie gusnie maahta vaarjelimmiem gaavnedh.**

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

---

Daate brosjyre edtja viehkine ärrodh guktie maehtebe ryöjredidh jis itjmies ovlæhkoe, feerlege vearelde jih it-attack jallh militæære vigkieh. Buerie jis sisvegen bijre soptsestallh jeatjah almetjigujmie.



## **VIKTIGA TELEFONNUMMER OCH WEBBPLATSER**

**112**

Jis tsiehkie misse dallah viehkie daerpies lea  
ambulaanseste, brandkår jallh polliseste.

**113 13**

Juktie bieljelidh jallh biävnesch åadtjodh itjmies  
ovlæhkoej jallh krijsetsiehkiej bijre.

**114 14**

Gaajhkh mej bijre sæjhta pollisem bieljelidh jïh  
mah eah ståantesne deahpedeminie.

**1177**

Skïemtjehokseraerïeh.

**Dinsäkerhet.se**

Vielie biävnesch sisvegen bijre mah daennie brosjyresne.

**Krisinformation.se**

Biävnesch Sveerjen åajvaladtijjste jis krijsse.